



Broj/Број: 01/6-50-1-8-6/07
Sarajevo/Сарајево, 5.11.2007.godine

Z A P I S N I K

6. sjednice Komisije za ostvarivanje ravnopravnosti spolova, održane 31.7. i 5.11. 2007. godine

Prvom dijelu sjednice Komisije za ostvarivanje ravnopravnosti spolova (u daljnjem tekstu: Komisija), održanom 31.7.2007., s početkom u 14,15 sati, prisustvovali su članovi Komisije: Vinko Zorić, Jovan Todorović, Rifat Dolić, Remzija Kadrić, Jozo Križanović i Savo Erić.

Opravdano su odsustvovali Mirjana Malić i Halid Genjac.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje zapisnika 4. i 5. sjednice Komisije;
2. Usvajanje zaključaka 5. tematske sjednice/javne rasprave Komisije;
3. Dogovor o aktivnostima Komisije za septembar i oktobar 2007.;
4. Razmatranje i usvajanje Memoranduma o razumijevanju između Komisije za ostvarivanje ravnopravnosti spolova, Koordinacionog odbora gender nacionalnih mehanizama i Razvojnog programa Ujedinjenih naroda BiH (UNDP);*
5. Upoznavanje sa izvještajem o posjeti delegacije Komisije za ostvarivanje ravnopravnosti spolova Komitetu jednakih mogućnosti muškaraca i žena Parlamentarne skupštine Vijeća Evrope;*
6. Tekuća pitanja.

31.7.2007.

Ad. 3. Dogovor o aktivnostima Komisije za septembar i oktobar 2007.

Zbog činjenice da je sjednica održana u vrijeme pauze sjednice Predstavničkog doma, odlučeno je da se, zbog hitnosti, u okviru tačke 3., imenuje delegacija Komisije koja će od 3. do 5. oktobra 2007. putovati u studijsku posjetu Komitetu jednakih mogućnosti muškaraca i žena Parlamentarne skupštine Vijeća Evrope u sastavu: Vinko Zorić, šef delegacije, Mirjana Malić, Remzija Kadrić, članovi delegacije, i Davorin Semenik, sekretar.

Nakon toga sjednica Komisije prekinuta u 14,30 sati.

* Tačkama je dopunjen dnevni red u nastavku sjednice 5.11.2007.

5.11.2007.

Drugom dijelu sjednice, održanom 5.11.2007., prisustvovali su članovi Komisije: Vinko Zorić, Halid Genjac, Jozo Križanović, Mirjana Malić, Remzija Kadrić i Savo Erić.

Opravdano su odsustvovali: Jovan Todorović, Sead Jamakosmanović i Rifat Dolić.

Sjednici je prisustvovao i sekretar Komisije Davorin Semenik.

Ad. 1. Usvajanje zapisnika 4. i 5. sjednice Komisije

Zapisnici 4. i 5. sjednice Komisije usvojeni su jednoglasno, bez primjedbi.

Ad. 2. Usvajanje zaključaka 5. tematske sjednice/javne rasprave Komisije

Komisija je jednoglasno usvojila zaključke 5. tematske sjednice posvećene ravnopravnosti spolova u oblasti medija u Bosni i Hercegovini.

Zaključeno je da sekretar Komisije obavi organizacione pripreme za pripremu nacrtu izmjena i dopuna zakona kojima se regulira oblast medija i informiranja radi njihovog usaglašavanja sa Zakonom o ravnopravnosti spolova u BiH.

Ad. 4. Razmatranje i usvajanje Memoranduma o razumijevanju između Komisije za ostvarivanje ravnopravnosti spolova, Koordinacionog odbora gender nacionalnih mehanizama i Razvojnog programa Ujedinjenih naroda BiH (UNDP)

Sekretar Komisije upoznao je članove Komisije o sadržaju dokumenta. U diskusiji je iskazana potreba bolje saradnje sa institucijama koje se bave problemom ravnopravnosti spolova, te naglašeno da ovakav dokument stvara pretpostavke za to.

Na prijedlog Halida Genjca, donesen je zaključak da se razjasne odredbe iz člana 6. Memoranduma i, po potrebi, preformuliraju, kao i da se izbriše stav 2. člana 8., jer je u suprotnosti s principom javnosti i transparentnosti, koji je jedan od osnovnih principa ovog dokumenta.

Nakon toga jednoglasno je donesena odluka o usvajanju Memoranduma o razumijevanju između Komisije za ostvarivanje ravnopravnosti spolova, Koordinacionog odbora gender nacionalnih mehanizama i Razvojnog programa Ujedinjenih naroda BiH (UNDP).

Ad. 5. Upoznavanje sa izvještajem o posjeti delegacije Komisije za ostvarivanje ravnopravnosti spolova Komitetu jednakih mogućnosti muškaraca i žena Parlamentarne skupštine Vijeća Evrope

Vinko Zorić upoznao je prisutne o rezultatima posjete delegacije Komisije Strazburu, a što je sadržano i u izvještaju koji je dostavljen Komisiji i Kolegiju Predstavničkog doma. Izvještaj je primljen k znanju.

Ad. 6. Tekuća pitanja

U okviru ove tačke prisutnim članovima Komisije podijeljen je, radi upoznavanja, Izvještaj o aktivnostima Agencije za ravnopravnost spolova BiH za tekući period 2007. kao i Nacrt amandmana na Izborni zakon BiH, koji je izradila radna grupa pod okriljem ove agencije.

Zaključeno je da predsjedavajući ocijeni potrebu da se na narednoj sjednici ovaj izvještaj eventualno uvrsti u dnevni red, radi razmatranja.

Na kraju je sekretar Komisije upoznao članove s činjenicom da je Orijentacionim planom rada Komisije za 2007. predviđeno da, nakon tematske sjednice o medijima, slijedeći predmet tematske sjednice bude ravnopravnost spolova i obrazovanje, što je Komisija i prihvatila. Sekretaru je, u vezi s tim, naloženo da počne pripreme za održavanje tematske sjednice početkom naredne godine.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić